

續
文
獻
通
考

續文獻通考卷之一百八十

皇明進士雲間王圻纂輯

經籍考 集上

宋

東觀集十卷 羅處約著處約益州華陽人太宗時舉進士初知吳縣後召直史館

郭贊集三十卷 郭贊字仲儀襄邑人屬文敏速乾德中舉進士仕終禮部尚書卒贈左僕射謚文懿

廖執象文集五十卷 執象順昌人陳搏謂曰子謫仙人也恐塵世不能久留果早卒

奉常集五卷 秘閣集五十卷 和峴著

雲溪集十卷 順昌廖曉著

瑯琊集 王言微著言微字子昭晉江人端拱中進士所
至州縣人皆立生祠

憑谷集 銀臺集 盛度著度餘杭人端拱初進士歷官

翰林學士叅知政事知樞密院事卒謚文肅

鄭文寶集三十卷 文寶字伯玉寧化人太平興國中進
士官至工部侍郎

陳絳文集十二卷 絳莆田人咸平中進士甲科再試賢
良第一除右正言歷司諫初居舍人凡十年以工部郎
中知福州左遷藤州通判

金龜子文集十五卷 陳希復著希復字少以文學知

名太宗時嘗與父堯封同廷試中第辭不就願提其父
從之後累官耀州節度推官自號金龜子因以名集

雋山集二十卷 方仲謀著仲謀青溪人嘉祐中進士累
官殿中丞工于詩

張師德文集十卷 師德去華之子真宗時父子皆中狀
元其父集岳珂爲校正

瀛海殘編十卷 權邦彥著邦彥河間人崇寧中上舍登
第累官簽書樞密院事嘗獻十議以圖中興尋黜權叅
知政事

章安集 楊蟠著蟠臨海人舉進士歐陽修稱其詩蘇軾
知杭州蟠通判州事與軾相和居多

楊煥文集三十卷 宦遊集十卷 楊煥字元暉浦城人

崇寧中進士仕終知蘄州

烏山三賢集 鄭伯玉字寶臣莆田人登第爲大理司直
韓琦薦充殿中侍御史郡人以其錦囊集與陳其方孝
寧詩類聚爲一號烏山三賢集

明善集居陽集各三十卷 劉彛著彛淮安人幼從胡瑗
學善治水第進士官至都水丞

河南邵氏集 邵伯溫著

草堂集一百卷 李炳著炳濟州任城人崇寧中進士累

官翰林學士

葵亭集 呂正獻公倅穎川作亭後圃曰葵亭因以名集

瑞麟集

彭大益著大益攸縣人登元佑三年鄉薦爲大

學博士以議論不合致仕居司空山翛然有物外意

雲林子文集五十卷

黃伯思著伯思字履孫邵武人元

符中進士爲秘書郎縱觀冊府藏書至忘寢食自六經

至于史百家無不精詣頗好道自號雲林子遂以名

雙溪漫叟集二十卷

松窓撻遺十二卷

張豸著豸字

正仲浦城人大觀中進士

葉常文集五十卷

葉常著常字權之浦城人紹聖中進

士知河中府常喜作詩

壁水集十五卷

周固著固字無可浦城人崇寧中釋褐

何通判文集二十卷

脩論四卷

何去非著去非字正

通浦城人元豐中對策論用兵之要擢高等除武學教諭仕終廬州通判

李之儀文集二十卷 之儀趙州人工于尺牘蘇軾以爲得發遣三昧自號古溪老農

荀里退居編 蘇州范正平著

白雲集八卷 將樂廖正一著正一元豐進士入元祐黨自號竹林居士

畢集十卷 姚易著易字夢錫浦城人元豐中進士

葉氏文集 葉清臣著

孫公文集 孫沔著

舒信道集百卷 舒亶著亶字信道鄞人爲龍圖閣待制

滕康文集二十卷 康應天府宋城人崇寧中進士

范忠宣公文集五十卷 蘇州范純仁著

李師正文集十卷 李規字師正松溪人元豐中進士居
官有幹才仕終朝議大夫

周彥庶文集二十卷 承宣集一卷 明天集一卷 周
錡著錡字彥庶鄆人元豐二年進士調桐城尉辭不赴
清溪集二十卷 汴人李璆著璆政和中進士累官四川
安撫制置使有惠政可紀

錢公文集 錢易著

林特進文集二十卷 林保著保字庇民鄆人登政和二
年上舍第紹興中以敷文閣待制奉祠

道山集三十卷 沙縣羅畸著

西征隨筆集 趙彥矩著

丁氏文集 丁注著

正齋集 洪咨夔著

還庵集 陳炳著

教忠堂集 劉寧止著

滄浪集 嚴羽著羽字丹丘邵武人有才名所著詩辯議

論深到自號滄浪逋客因以名

新豐集 徐九思著九思字公謹崇安人登進士第與王

安石不合坐廢

杭州集二十卷 李深著深字叔平光澤人熙寧進士入

元佑黨籍

清虛先生文集 洛縣王鞏著鞏字定國素之子旦之孫

劉顯文集數十卷 顯吉水人舉進士爲廣祿主簿顯于

曾布爲甥婿而布當國時未嘗私見

羅仲素文集十八卷 沙縣曾道振編次

梅谷文集 宋翔著

桐山文集 王之道著之道無爲人宜和間舉進士與兄

之義之深同科名其堂曰三桂

臨漢隱居集二十卷 東軒筆錄十五卷 魏泰著泰養

陽人善文章崇觀間章惇欲官之竟拂袖還家

東漢集 淳浦高登著登宣和中爲大學生與陳東乞誅

六賊後觸怒秦檜編管容州

雲海敝帚五十卷 宋之才著之才永嘉人從楊龜山學得程氏正脉性恬靜操潔白自號雲海居士

無相居士文集 陳楠著楠平陽人政和初進士累官太常少卿權禮部侍郎寬洪蘊籍以誠接物而恬于榮利自號無相居士

硯岡居士集 唐稷著稷雋都人政和間進士授樞密院編修官自號硯岡居士因以名集

歸愚集 順昌吳致堯著致堯政和進士除安化令以事忤當路去官

勤王忠義集 胡閔休著閔休開封人嘗著兵書二卷靖

康中應知兵科中選等補承信郎後從岳飛討賊湖湘
進成忠郎

王岑集二十卷 楊公度著公度字元宏建寧人政和中
登第趙獨嘗薦其才而不肯見秦檜竟中止

翁彥約文集十卷 彥約字行簡崇安人初以免解進士
應詔進格言二十篇政和中第進士知高郵軍

環溪藁 吳沆著沆崇仁人政和間獻書于朝不用歸隱
環溪以此名集

許尹文集數十卷 尹樂平人政和進士歷高孝皆盡忠
款以敷文閣待制致仕

向伯奮時論十卷 奏稿二卷 詩十卷 伯奮樂平人

孝宗時戶部侍郎

翁五峯詩文集二十卷 翁挺字士挺崇安人號五峯居士李綱稱其文雄深雅健淵源浩博詩凌厲奮發絕去筆墨畦徑

賴鳴集十卷 奏議十卷 沙縣曹輔著輔子論度支郎中以詩名有約菴集行世

枰欄集二十五卷 鄧肅著肅字志宏沙縣人嘗疏留李綱不宜罷相後在諫垣不三月凡二十疏皆切直

焦桐集 鄧祚著祚字成材沙縣人建炎進士安撫江西盜賊勦蕩尋以疾請祠

聘遊集 朱升著升婺源人弱冠入太學建炎初議遣使

問安兩宮并奮身自獻至雲中見粘罕言用兵講和利害甚悉而守節不屈後和議成得歸轉奉議郎集名聘遊皆其往來時所撰也

無旁集一編 歐陽 士著字彥成建陽人建炎中一舉不第上書論事宰相以爲狂編管洪州後得還徜徉山水預知將死之期

廖天覺魚山集十卷 天覺順昌人紹聖進士有惠政在餘姚縣無愧古循吏後以朝請大夫致仕

鄧甯七峯集十卷 甯字仲吉沙縣人熙寧進士工詩文龍溪文集 汪藻著藻婺源人崇寧初進士紹興初爲翰林學士晚年好詩文自號龍溪因以名集

玉泉集 儲惇敘著惇敘字彥倫晉江人崇寧中進士歷
官三十年屋不增椽田不增畝

龍山文集 余良弼著良弼字岩起順昌人建炎中登第
晚直秘閣致仕聚書萬卷自爲序以教子孫

臨淮集十卷 李植著植泗州臨淮人幼明敏篤學靖康
初補迪功郎累官戶部員外以寶文閣學士致仕

龍雲集三十卷 劉弁著弁安福人兒時警敏日誦萬餘
言元豐初進士爲文剴剔瑕類卓絕不凡

松隱集二十卷 卞大亨著大亨字嘉甫其先泰州人靖
康中調懷寧簿隱居象山自號松隱居士取其號名集
吳門集二十卷 蔣堂著堂宜興人舉進士爲監察御史

累遷禮部侍郎致仕

薛舜俞文集三百餘卷

舜俞字欽甫同安人紹興中登

第晚年學問益淹貫里居教授門人多通顯者

冰壺集

李長庚著長庚寧遠人紹興進士第歷仕五十

年廉潔有守號其讀書之所曰冰壺遂名其集

退庵文集

吳淵著淵柔勝子苦志力學嘉定中進士累

官端明殿學士所著又有易解奏議

藍溪集

陳若冲著若冲字德用永福人以經學詞章爲

趙鼎輩所知

紫微集

王鑑著鑑池州人爲中書舍人兼侍講

知非集

精金訓鑑

童蒙記共八十卷

葉楠著楠貴

池人調鄱陽尉後爲績溪令

涎溪集 丁黼著

於山集 高安胡希是著爲文有西漢風

柘岡文集 新昌羅大酉著

菱溪集野議十篇 惠安謝文龍著嘗獻趙鼎鼎厚遇之

耘廬集 安成劉應登著

省齋文藁 晉江蘇思恭著

青丘集二十卷 練定著定字公權浦城人第進士忤時

相終廣東提刑

趙青山文集 廬陵趙文著

泉山集三十卷 陳從良著

石旦文集十卷 旦出處見前

忠嘉集 豐縣宋汝爲著汝爲議秦檜和金之非檜將械汝爲送金汝爲變姓名爲趙復徒步入蜀青城山而卒

王淵集 泰和劉子澄著

拙菴文集四卷 晉江郭咸著

德音類稿三卷集錄十卷 清江黃祈著祈博學以能賦稱

鷄肋集 哀長吉著長吉字叔巽崇安人嘉定中進士博覽善文樂安何霖亦有鷄肋集

唐子文集 唐仲友著

馬氏文集 馬之純著

賣文賦題名

今是堂稿 邵因著

大中集 林文集共二十四卷 葛洪著

陳氏集二十卷 陳黼著

飲水文集 王慶之著

石室文集 林一龍著

雲林癡菴集 林千之著

季氏文集 季陵著

沈氏文集 沈造著

艮峯集 蔣思庸著

包公文集 包文舉著

東蒙集 周景辰著

文山集 王庶著

蘭谷集 葉學韻著

平山文集 陳顯著

曹粹中文集 曹粹中著

房山文集三十卷 魏杞著杞鄆人乾道右僕射謚文節

北山漫遊集十卷 魏藻二十卷 劉用行著用行字聖與

晉江人登嘉定戊辰第過事有執詩文典雅

西陂集四十卷 都昌黃灝著

童泉集 玉山趙蕃著

陳洽遺稿數十卷 洽字澤南同安人真德秀薦洽文章

根義理政事出慈祥未召卒官終廣州通判

鶴心集 安仁陳奎著

寄菴集 晉江趙登之著

湯先生文集六十卷 安仁湯漢著

雲麓集 留元剛著元剛字潛茂晉江人開禧三年試博

學宏詞科早負盛名已乃爵爵不通築園北山號雲麓

朱公文集奏議 浮梁吏部尚書朱繼孫著

玉堂稿 樂平禮部侍郎洪芹著

唐山存稿 直寶章閣浮梁李雷奮著

通情小稿 逸民自得 進賢趙君煥著

徐博士雜著 武學博士徐思立著藏千家有詩議刊于

臨江郡庠

杭山集 右丞相兼樞密使章鑑著

泉谷集 歷官對越集 豐城徐鹿卿著

皮龍榮文集三十卷 龍榮醴陵人淳祐進士拜叅知政

事嘗對言一過改一善著百過改百善融理宗深嘉之

靳春集一卷 聶冠卿著冠卿歙州新安人舉進士累官

翰林學士嗜學好古尤工于詩

朴菴外集 史彌大著有朴語二篇世家二篇及鏡庵叢

書朴齋外集若干卷

獨善先生集 史彌鞏著

斛峯集 李伯玉著伯玉字純甫餘干人端平二年進士

第二官至禮部尚書

荆溪集 吳子良著

篆畦稿 蝶軒稿 竹梧里稿 舒岳祥著岳祥天台人

以文學師表一代奉化戴表元嘗受學焉

紫岩稿十餘卷 周潤祖著浙人

陳氏文集 陳良翰著

石子文集 石子重著

湖南先生集 杜燁著

委羽集 左緯著

周子文集 周升著

王子文集 王及著

貧窳總集 陳耆卿著

清獻集 杜範著

杜氏集 杜光庭著

徐氏遺稿五十卷 徐霖著

鄭氏文集 鄭升之著

叢脞集 鄒補之著

須江集 劉敏士著

劉氏文集 劉觀德

華陽集 盧衣著

宜拙平心集 福安王士奇著

屏山文集二十卷 劉子翬著

王堂集 汪叔達著叔達黔人嗜學至老不倦第進士典

湖州學累官華文閣直學士

恕齋集

汪綱著綱劬曾孫以祖任入官理宗朝累官戶

部侍郎致仕綱學有本原多聞博記機神明銳遇事立
決尤良于論事所著又有左帑志漫存錄

詹新豐文集二十卷

詹造著造字應之崇安人安貧守

道訓迪後進爲文援筆立就人以爲腹藁晚爲新豐尉

訥齋集

程元鳳著元鳳歙縣人紹定中禮部第一歷監

察御史右正言兼侍講御書清忠儒碩昭光六字褒之

洛水集

程玘著玘休寧人紹熙中進士拜翰林學士立

朝剛正風裁凜然

雲陵集二十餘卷

倪濤著濤廣德人總角能屬文博學

強記十五遊大學試第一太觀初舉進士

補過齋拙稿 劉章著

周子文集 周彥質著

江公文集 江少虞著

金川集 江越著

江氏遺稿 江棗著

兩山塗稿 徐汝一著

周子文集 周頴著

清高集 祝常著

徐氏文集 徐大受著

南明集 呂炳南著

齊山集 林景熙著

桐川集十卷 沈虛中著廣德人舉進士歷官吏部尚書

清閔集三十卷 周承勛著廣德人博學能文舉進士

狂簡集百卷 雅書三卷 志苑三卷 萬適著適陳州

宛丘人自號遺玄子喜學問精于老子書不求仕進

論思集十卷 文集二十卷 何中立著中立長社人幼

警邁頗以文辭自喜進士及第累官樞密直學士

遂初小葉六十卷 尤袤著前考有梁溪集五十卷恐即

遂初小葉也姑兩存之

宣城雙溪集 魯冠著冠東陽人博學強紀紹興間進士

遷太常博士

聊復軒集二十餘卷 毛直方著

香山集 喻良能著良能義烏人累官至太常寺

王溪集 王寔著寔東陽人少有奇氣嘉定間中武舉異等最立職功

肯堂集 李仲光著仲光字景溫崇安人開熙初進士甲科以才忌不偶放情山水寓意花木

孔山文集 喬行簡著

是齋集 王信著信麗水人紹興末進士累官給事中遷煥章閣待制

東谷集 鄭汝諧著汝諧青田人累官至信州刺史自號東谷居士

薛元鼎詩文講義二十卷 元鼎字叔雲興化人紹興進

士孝宗以直諫多聞褒之

觀省雜著三十卷 奉化胡誼著觀省其號也因名集

山林思古錄 俞宗亨著宗亨山陰人知漳州

覺是集 林泉生著出處見前

適齋存稿 汪大猷著大猷鄞人紹興中進士爲吏部侍

郎兼權尚書所著又有備忘訓鑑等書

林朝老遺藁二十卷 莆田方之太輯之太朝老外甥也

李微之詩文集一百卷 井研李心傳著

安晚集六十卷 鄭清之著鄭人從樓昉學嘉定中進士

理宗潛邸教授四登相位端平間召用正人多清之力

樂天集十卷 陳英著英字義叟號存齋寧德人博通經

史以所學淑人執經北面者半青紫

翠樾集 張安修著安修字孟監寧德人嘗領漕舉以子

文虎登第引年賜承務郎

洞齋集 莆田方澄孫著

方岩集 王居安著居安黃岩人幼有異質淳熙中舉進

士爲右司諫宅心空明待物不二

梅塢集 林學蒙著學蒙字正卿永福人從朱文公學鄉

人皆尊師之

西溪文集八十卷 卓立著立字志道福清人

龍門集紀夢集 陳寬著寬福清人嘗寓龍門有龍門集

後入蜀有紀夢集

龍山集 福清黃銳著

克齋董正翁集 董楷著楷臨海人爲績溪簿遷知洪洲
有惠政官至吏部郎中

若存文集 林文之著

愛梅集 余發林著發林字希董古田人舉進士授崇安
縣尉爲文操筆立就及卒門人集其文號愛梅集

虛齋文集 鄧林著林字楚材福清人年十五以詩義冠
鄉校朱熹呂祖謙皆與之遊

觀堂集 合江劉望之著望之紹興間進士官秘書省正
字宰相沈該以無塵埃氣薦之

羅浮集十卷 陳鵬飛著鵬飛永嘉人紹興中進士其學

不爲章句新說必本人倫正論

澹軒集十二卷 光澤李呂賓老著

易菴文集 陳謙著

東野居士集四十卷 徐詡著詡字元敏浦城人紹興中

第進士歷官有善政

霜厓集 侯昌著昌樂清人三貢于鄉兩試轉運使皆第

一以武舉授合浦尉

竹溪稿 林希逸著出處見前

蒙川集 問梅集 詩銘集 劉黼著黼樂清人以太學

生上書言朝廷進退大臣當以禮忤執政送南安軍

得聞文集 吳曾著曾崇仁人高宗時獻所著書累官吏

部侍郎奉祠平生苦學爲文奇偉

梭山文集 陸九韶著九韶金谿人其學淵粹畫之言行
夜必書之自號梭山老圃集因之名

南唐稿 鄒斌著斌臨川人博記敏識見陸九淵問平日
何學以求放心對一語便契合

畏齋文集奏議六十卷 醴陵吳獵著獵從張栻朱熹學
謚文定廟祀于蜀

蟾塘文集 危和著和臨川人淳熙中進士以詩名

巽齋集 危稹著稹字逢吉和之兄淳熙中進士歷屯田
郎官後請祠歸與鄉老爲真率會

水集 李復著復字履中閬人集中論孟子養氣動必
由理故仰不愧俯不忤無憂無懼其氣自充故曰是集
義所生者舍是則明有人非幽有鬼責自歎於中氣爲
之喪矣故曰無是餒也朱文公謂此語雖踈然得其大
旨

愚谷集十五卷 歷代史年表二十卷 張綬著綬清江
人紹興末舉進士

曾幾集五十卷 幾贛州人開之弟以秦檜怒開幾亦罷
爲文純正

澠溪居士集 劉才邵著才邵廬陵人鶚之後紹興中累
官中書舍人無權直學士院高宗稱其文

文溪集六十五卷 陳仲微著嘉熙進士自號遂初老人
曲轅散木集 寄懷斐稿 陳宗理著宗理字立之南豐
人淳祐四年進士官叅知政事

廬溪集 王廷珪著

須溪文集百卷 劉辰翁著辰翁廬陵人少舉進士宋季
亂遂隱居求道

松垣集 辛元龍著元龍高安人嘉泰初進士通判鄂州
上書雪濟邸之冤忤史彌遠屏棄而卒

雪坡集 姚勉著勉高安人少穎敏寶佑初以詞賦擢第
廷對萬言理宗親擢第一尋除校書郎無太子舍人

龍技集 孟浩著浩宜春人乾道間知武寧縣有聲官至

直秘閣

白雲編二十卷 文集十卷 陳炳著炳頓縣人結廬峒山躬耕求志與學者琢磨俱成

荆臺集 孫光憲著光憲陵州貴平人少好學遊荆渚博通經史聚書數千卷校讎不倦自號寶光子

漁溪後集 胡仔著

三江集三卷 鄧至著至雙流人通六經學者從之甚衆樓雲集三十卷 趙遠著資州人一目數行好聚古書考歷代治亂之迹紹興對策擢第一文似蘇軾稱小東坡後溪集 劉光祖著光祖簡州陽安人登進士第光中時爲殿中侍御史

虞忠肅集數十卷 虞允文著允文隆州仁壽人謚忠肅

出將入相垂二十年有詩文奏議數十卷

桃溪集百卷 李穡著穡字崇慶晉源人登進士爲隆州

推官遷太常少卿講學臨政皆有源委

月林醜鏡集 曾逢震著震字誠叟閩縣人與鄭性之俱

從朱文公學洞見道體耻爲場屋之文隱居道山觀書

自怡家事有無不問也自編錄其詩文曰月林醜鏡集

存齋集 牟子才著

克齋文集 余偶著偶字占之古田人從學朱文公與林

用中齊名

丹淵集四十卷 文同著同梓潼人以學名世操行高潔

善詩文篆隸行草飛白舉進士遷太常博士集賢校理
朱景文文集四十卷 景文靖江人乾道間進士讀書過
目不忘爲文頃刻立就

方山集四卷 嚴大猷著閩州蒼溪人以特奏名授隆慶
府司理叅軍

廬江集七十卷 何涉著涉南充人讀書刻苦自六經百
家無所不學一過目終身不忘舉進士累官知合州
緣督集 曾幼度著幼度樂安人乾道進士仕至太守以
文章名

鼎然集 安丙著安丙渠江人淳熙間進士知大安軍吳
曦叛丙設策誅之進資政殿大學士四川制置使

黃泰之文集 黃定字泰之永福人乾道中進士第二

塵缶文集 程公許著字季與宣化人嘉定中進士應詔

言事抗直有聲官至刑部尚書寶章閣學士知隆興府
縉雲集 馮時行著時行巴縣人紹興初召對以斥和議
除知萬州泰檜諷使者撻拾其罪坐廢

性善堂文集 度正著正合州人紹興初進士早從朱文
公誨以正心誠意之學官國子監丞遷禮部侍郎致仕
三江集 王汲著汲通州人嘉祐中嘗作天將以夫子爲
木鐸賦士以爲矜式因呼爲王木鐸後舉進士官至梓
州通判多政聲

木鐘集 陳道著道永嘉人從學朱文公稱潛室先生

王文貫詩文五十卷 王宗道著

鶴林集 吳泳著冰中江人嘉定進士歷官著作郎屢抗
疏直言遷寶章閣學士

橘州文集 姚希得著希得潼州人嘉定進士累官叅知
政事忠貞清儉好引用善類

玉臺集 王賞著賞當之弟舉進士累官禮部侍郎燕直
學士爲文師蘇軾

鴈湖集一百卷消塵錄三卷拔毫錄八十卷臨汝閒書五
十卷 李璧著璧日誦萬餘言舉進士爲正字寧宗時
累官叅知政事文學德望轟震一時

亭山文集 李丑父著丑父字良翁莆田人端平初登第

遷諸王宮教授坐忤丁大全奉祠

悅齋集

李皇著皇舉進士入爲館職文聲赫然

宗道集

楊棟著棟紹定二年進士第一爲宗正少卿累

官禮部尚書棟之學本諸周程負海內重望

見山文集

楊文仲著棟從子邃于春秋淳祐間入太學

兩試皆第一寶祐中登進士官太常丞兼崇政殿說書

存著齋文集

高定子著定子蒲江人博通六經嘉泰初

進士累官端明殿學士兼叅知政事又著北門類稿

耻堂集

高斯得著斯得少從季坤臣學坤臣瞽斯得左

右扶持之紹定初進士累官翰林學士

家谷集

林夔孫著夔孫古田人朱熹高第

盤澗集

程若中著若中古田人朱熹門人

象山集

陽從易著從易晉江人第進士好學強記

漫塘集

劉宰著宰金壇人紹熙進士理宗以爲籍田令

遷太常丞知寧國府皆不就隱處三十年于書無所不

讀

陽巖文集

洪天錫著天錫寶慶末進士累官端明殿學

士言動有準繩

湖山集別集

當塗小集

吳芾著

香溪文集

范浚著

牟隆山集

牟應龍著

箬溪集

翠微集

華質著

續文獻通考

卷之三百八十

五

三

張君文集

張光著

類稿

著溪集

劉正著

遺一文

劉陶著

沈氏文集雜著

沈該著

北征集

俞烈著

行埜集

葉時著

山村集

仇遠著

何先生文集

何基著

朝華集

王栢著

善願集

愚齋雜著

山堂集

賈廷佐著

弘山集

喬行簡著

黃氏文集 黃夢炎著

西峴類集 喬夢符著

東溪集二十卷 黃亢著 亢浦城人 少奇穎過人 雖侏儒野率 如不能言 然嗜學 強記 文詞奇偉

東山集十卷 吳激著 激甌寧人 舉進士 知蘇州 累官龍圖閣直學士

樓溪集 廖德明著 德明順昌人 少學釋氏 得楊時書讀之 大悟 遂受學 朱熹 乾道中第 進士 遷吏部郎官

楊壑集 長溪鄭君老著 君老十歲能詩 十二能綴文 十六領鄉薦 首十七登進士

知稼翁集 黃公度著 公度莆田人 紹興八年進士 第一

官至考功員外郎工詩能文

壺山集七十卷 徐師仁著師仁字存聖莆田人七歲外祖問霍光何以不學對曰伊尹放太甲而霍光不知非不學而何後登第爲校書郎終著作郎

後村文集 劉克莊著克莊淳熙中進士生有異質日誦萬言爲文援筆立就爲龍圖閣直學士真德秀以學貴古今文追騷雅薦之

筆峯集五卷 方醇道著醇道字溫叟興化人

鶴山文集 邛州魏了翁著

墨莊文集 張泳著泳字潛夫福安人慶元初試天下之言性論有司讀其文驚喜以爲壓倒場屋策問僞學泳

抵排異端力主朱文公正學之傳有司賢之號省齋學者稱爲墨莊先生

曜軒集二十卷 王邁著邁仙遊人嘉定中進士爲秘書

正字

省齋集 龍溪吳獬著陳知柔稱其貌古心古學古文古閉戶著書不在子雲下

頤齋遺稿 劉季裴字少度福安人紹興中進士所著文有論孟周易解等書

城山集 陳元老著元老福安人學者稱城山先生

李南昌文集三十卷 李誼著誼南昌人嘗極論秦檜講和之非累官工部尚書資政殿大學士

鳳山集

姚瀛著瀛字子山福安人隆興進士

臺溪集

何稿著稿父之子邵武人

鳴和集

寧德李鑑汝明著鑑嘉定中進士從黃幹楊復

遊得聞散義之旨

春山文集

危昭德著昭德邵武人寶佑進士嘗爲崇政

殿說書以易春秋之學衍義進講反覆規正甚多徐

霖字景說西安人年十四存心聖道淳祐四年禮部第

一官至工部侍郎所著亦有春山文集

任山晉溪集

山平晉人有志不仕嘗法春秋作通紀

擬井田作中田圖

奇之奇文集百餘卷

之奇宜興人

微齋文集 陶崇著崇全州人嘉定中進士理宗在潛邸時崇爲講讀官及即位被召首陳保業謹微慎獨持久之說擢知信州卒贈特進謚文肅

盤隱集 林湜著湜字正甫長溪人紹興末進士官至司農卿直寶文閣

金安節文集二十卷 安節休寧人嘗拒秦檜孤立無助遠庵集 方士繇著士繇字伯謨莆田人其爲詩溫潤嘗勸朱熹少著書以喜教人讀集註爲未然

李嘉言文集二十卷 嘉言廣德人隆興初進士

草堂文集 方秉白著秉白號草堂莆田人孝宗朝憲臣以孝廉薦不起

胖軒錄 黃時著時字景仁寧德人開禧初登進士第累
官知德慶州文章政事皆有聲于時所著詩文名胖軒
又嘗掇取言行可鑑者百餘條目曰褪身錄

文公文集一百五十卷 莆田黃士殷次撰

默齋集 寧德陳汝王者 鄞縣王應鳳亦有默齋稿

及泉書十卷 莆田黃君俞著

浩齋稿三卷 長溪孫龍坡著

澹軒類稿 艾謙著

王坡集 邵景之著景之字季山長樂人清之子也受業

于籍溪胡憲之門官止莆田令

松谿集 皇城范齊著

竹坡集

豐城黃壽巖著

東謀集

王資深著又著周書及方言

楊氏文集二十餘卷

楊傑撰

榮遇集

王彥成撰

智仁堂藁十卷

熊節著

幔亭遺藁

詹師文著師文字叔簡崇安人慶元甲第進

士居官有理獄平寇之功

忠嘉集

宋汝爲著

強紀集八卷

永福黃邦俊著

草堂集

林用中着用中字擇之古田人從朱文公學文

公稱其晦外而明于內樸外而敏于中

續文獻通考

卷之百八十

審是集 高齋文集 陳舜申著

安德裕集四十卷 安德裕著

趙文定集五十卷 趙安仁著謚文定

橫州文集 陳一德著

可齋履齋集二十卷 陳愷著愷字子爽嘉興人

釣月臺耕雲堂集 王南美著南美新化人宋開國勳臣

王溥之後隱居伊溪桂巖博通經史尤長于易

宋野遺民集 練來著

天隱集 繆主一著

南記錨林藏雲山相鋤諸編 張山翁著山字君壽景

定三年進士德佑元年爲荊湖宣撫司幹官爲元所執

不屈元人義之僨不殺後居黃鵠山聚徒教授而終

山居藁 高安劉元高著

西甌文集 葉夢麟著

松壑集 童成大著成大字元偉甌寧人宋季僑游林泉
不求仕進謝枋得兵敗入閩成大首往訪之

四如文藁 莆田黃仲元著仲元字善甫始號四如先生
咸淳中登第陸秀夫薦充益王府撰述官除武學教諭
太常博士兼閩廣宣撫司機宜改國子主簿兼福建招
捕司叅議皆不就宋亡改其名字曰淵天叟又改其四
如之號而以韻卿贅翁彥安爲稱

疊山文集 弋陽謝枋得著

文文山文集 文天祥著號文山因以名集

正一齋集 黃絲著絲字水心旣寧人宋亡不復仕自愧不能如夷齊

中淵文集 分宜易克著

廬江集十卷 浦城何述著

黃德潤文集奏議八十五卷 黃洽字德潤侯官人嘗言居家不欺仕不欺君仰不欺天俯不欺人幽不欺鬼神何用求福報哉官至資政殿大學士

浩堂類藁 翁甫著甫孝宗時人

丹山文集 翁合著合崇安人登進士第歷官内外有聲景定中爲侍講

趙善湘詩文集百卷 善湘宋宗室

日湖遺藁五十卷 鄭昭先著昭先字景紹閩縣人遊朱

文公之門官至樞密院兼參知政事謚文靖

陳德豫文稿三十卷 德豫字子順連江人淳熙中登進

士乙榜歲旱求言德豫上封事以諱天變諱人言爲致

旱之由乞去二諱以回天變上嘉納之官至大理卿

敖雁庵集 敖陶孫著字器之福清人爲文援筆立就

徐學士文集二十卷 浦城徐鳳著

俞成熙文集十卷 咸熙閩絲人性尚疑簡操履純潔鄉

邦稱爲長者

黃莊定遺文十五卷 黃舜祖謚莊定

剡源集

戴表元著表元奉化州人七歲能屬文咸淳中

進士為建寧教授學博而才賸以文章大家名重東南

本堂集五十九卷

陳著撰著字子微德剛子別號本堂

登文天祥榜進士咸淳中通判臨安後隱居四明奉川

湖山汗漫集

趙孟澗著孟澗浙人

天慵先生集三十卷

豫章熊明來著

吾汶藁

王鼎翁著鼎翁字炎午安福人號梅邊為上舍

生會文天祥舉義兵杖策謁見後有生祭文丞相文

蠟臺藁

汪灝著灝字季夷奉化黃甘里人父懋卿與弟

森卿並因宋革不仕杜門著書

芥甘甲乙藁

高元之著凡詩三千雜著五百

甲子文集五十卷 陳天瑞公輔之後師于金華王栢明
性理之學宋末隱遁林壑傲淵明詩著此集

天地間氣集 謝翱者翱宋忠義士也墓在嚴陵旁

續文獻通考卷之一百八十終

續文獻通考卷之一百八十一

皇明進士雲間王圻纂輯

經籍考 集中

逸

清寧集 道宗製耶律良編集

閔苑集 平王隆先著隆先字國隱諡國皇帝子聰明博

學能詩

西亭集 蕭資忠著聖宗時使高麗留不遣每憶君親輒

有著述號西亭集

寶老集 蕭孝穆著爲北院樞密使時稱爲國寶臣文人

因目其集曰寶老

登瀛集 楊佑著佑字正叔南京人幼穎悟讀書自能成句仕終吏部尚書兼門下侍郎同中書門下平章事

金

蒙城集 高士謏著燕人家富圖籍與宇文虛中友愛樂善居士文集 世宗子豫王永成著

弘道集六卷 徒單鑑著鑑上京人大定九年進士及第官至左丞相嘗嘆文士委頓雖巧拙不同要以仁義道德爲本乃著學之急道之要二篇太學諸生刻于石
狂愚集二十卷 絳州正平李愈著愈中正隆五年詞賦進士官知河中府致

虛舟居士集 遜鐸著遜鐸字振之滕州人大定中進士

爲臺諫亢直貞祐初遷孟州防禦使城破 未死

天倪集 李獻甫著獻甫字欽用獻能從弟興定五年進士累官鎮南軍節度使死于蔡州之難

東山集十卷 吳激著激字彥高建州人宋米芾婿也
宋命至金以知名留不遣爲翰林學士皇統二年出知涿州卒集名東山因其號也

王峯散人集 趙可著可字獻之高平人貞元二年進士仕至翰林直學士

崑崙集 郭長倩著長倩字曼卿文登人中皇統經義乙科官秘書少監兼修起居注撰石決明傳時輩稱之

黃山集 趙淵著淵文儒東平人大定二十二年進士

至禮部郎中自號黃山性冲澹學道有所得其篆書配
党懷英時人號曰党趙

蔡正甫文集五十五卷 真定蔡珪著

楊之美文集 楊雲翼著之美其字也

溢水集三十卷 趙秉文著為文長于辨析極所欲言不
以繩墨拘七言古詩筆勢縱放律詩壯麗小詩精絕五
言古詩沉鬱頓挫夏人恒問秉文及王庭筠起居狀為
四方所重如此

王翰林文集四十卷 河東王庭筠著

遼門集 劉從益著字雲卿渾源人大安中進士累官監
察御史博文強記精于經學文甚工詩尤長于五言

清潭集 呂宗孚著字信臣南宮人與蒲城張建皆知

名

卷瀾集二卷 曹班著

蘭泉老人集 章建著建字吉甫蒲城人明昌初授絳州

教官召爲應奉翰林文字改授華州同知防禦使自號

蘭泉老人

慵夫集 澤南遺老集 王若虛著若虛字從之藁城人

承安二年經義進士累官直學士

東巖集三卷 元德明著德明太原秀容人放浪山水

元裕之中州文集 元好問著好問字裕之德明子七歲

能詩仕至行尚書省左司員外郎金亡不仕

續文獻通考卷之二百八十一

張叔甫文章十五卷 張行簡著行簡字叔甫日照人大

定中進士第一官至銀青榮祿大夫典貢舉進士

復軒集 閻詠著

元

自然機籟 鄭東起著起福清人居教授常百餘人

海西先生集 郭墜著墜字德基長樂人至元中授泉山

書院山長文不刻鑿以為異詩不琢鑲以為工

江西老圃集 安福周南瑞著時好爛腐之文瑞獨銳意

古學與吳徵相友善多所講辨

草堂文集 王選著

吳吾齋類稿 臨川吳畢著

槃園集 蜀任詔著槃園曰槃園建堂曰高風因以名稿

元詒文集十卷 金谿葛元詒著

鳴陽集若干卷 金谿朱夏著夏遊草廬先生門杜門積學爲文不及千古不止

瓜園集 臨川黎仲基著

雪樓文集 程鉅夫著鉅夫南城人世祖時爲翰林學士承旨卒謚文憲追封楚國公雪樓其號也

效古集 張立道著立道其先陳留人後徙大名事世祖累官至雲南參政所著又有平蜀總論等書

杜瑛文集十卷 瑛字文玉金末由霸州避地河南緱氏山中術者言其所居下有藏金家人欲發視輒止之後

居者果得黃金百斤其不苟取如此徵辟皆辭不就

白雲素 南豐趙崇璠著

奎光集 樂安詹從朴著

拙齋集 鄱陽周應極著

小孤山人集 林全著全字子貞福州人公遇之子與弟
合俱有隱操

小溪集 丁巖著巖自號小溪因以名稿

潛丘稿三十卷 真定王鈞著

補暇集 宋軼著

悅堂文集 長溪楊楫著

敬齋文集 壁書叢刊 古今雜測 圓鏡辨 益古衍

疑 樂城李治著治金末進士元世祖召為學士

節齋集 寧晉李佑著

張公文集十卷 要言一卷 藁城張延著

劉敏中中菴集二十五卷 敏中章丘人至元中為監察

御史累遷翰林學士承旨

詹公文集三十卷 真定詹思著至元中為江東廉訪副

使謚文孝

困學齋集 鮮于樞著樞漁陽人官至太常典簿能詩文

尤精書翰虞集嘗云大德延佑間漁陽吳興巴西翰墨

擅一代謂鮮于樞趙孟頫鄧文原也

經濟集 李士瞻著士瞻東安人為翰林學士承旨嘗使

閩諭海賊出降

一山文集 李守成著即士瞻之子官至翰林檢討河朔學者多師之

淡庵集 華亭高子鳳著

鴻葵集 陳天錫著天錫字載之福寧人以文學薦授本州學正後知福清州早年致仕壽八十終

劉太保文集十卷 劉秉忠著邢臺人遁迹浮屠博學多才元世祖召見留置左右官太保卒贈常山王謚文正

滋溪文集 真定蘇天爵著

東庵類稿 安喜滕安上著吳澄序曰報之以義理翼之以英華信乎有學行者之言也

河東文集五十卷 高鳴著 鳴真定人 元世祖召拜翰林
學士 憫其年老 有大政就問之

王結文集十五卷 結易州定興人 出處見易說下

郝陵川文集 郝經著

潭川文集若干卷 真定楊俊民著

默菴文集十卷 真定安熙著

空谷樵音 無極何體仁著

牧庵集 柳城姚燧著

疎齋集 盧摯著 涿州人 仕至翰林學士 元初稱能詩

至治集 宋本著 大都人 至治初進士 第一官集賢學士

燕石集 宋聚著 本之弟 泰定初進士官翰林學士

鴈巢集

李京著京河間人為烏撒烏蒙道宣慰副使周

儼雲南又嘗為雲南誌

霜月集

楊剛中著剛中上元人為文哥與簡澁勤法古

人元明善極嘆異之累官翰林待制

秋浦集

楊少愚著

晏齋文集

商挺著濟陰人工詩善隸又著詩千餘篇

果齋文集

李之紹著東平平陰人家貧教授學者咸集

元末以薦授國史編修遷翰林侍講學士自號果齋

超然集四十卷

曹元用著元用汶上人資稟俊爽書過

目輒成誦為禮部主事陸翰林學士

許魯齋文集

許衡著

清軒集五十卷 閻復著復高唐人王盤薦為翰林應奉

累官翰林學士承旨

瀛州集百餘卷 徐世隆著世隆西華人金進士後召為

翰林進賢學士以疾辭

秋澗集百餘卷 王惲著惲汝縣人博學有俊才舉進士

官至翰林學士承旨

還山集 楊奐著奐奉元人元初隱居鄠縣講道授徒學

者稱為紫陽先生

勤齋文集 簫軒著集有前後

貢公文集 貢師泰著

大隱集 楊大雅著

續文獻通考

卷之三百八上

陸氏集 陸滋著

毅齋存稿 王洪著

渠庵集二十卷 童翹著恕奉元人博學能文學無訛謔

仁山文集 金履祥著

淵穎集十卷 吳萊著又集六十卷

瓦缶編類 樂齊稿 石塘文集 胡長孺著長孺永康

人為入光明宏偉博學多文海內購其辭章者如獲拱

璧

雲槎集 吳俊著

餘留稿 夏正著

柳氏雜著書文一十五卷 文集四十卷 柳貫著

飛霞觀稿 陳推著

所性稿 時少章著

吳公文集二十卷 吳師道著

懋庵下筆三卷 詩文雜著總二卷 黃叔英著叔英

字彥實文潔先生孫登宋文天祥榜進士入元爲晉陵

宣城蕪湖三學教諭又爲和端采石兩書院山長

日損齋稿三十三卷 文獻公集若干卷 黃潛著

元龍遺稿 朱元龍著

滄鳴集 胡滅著

存雅堂集 方鳳著

王溪集 王霆著 浙人

齊城集

吳儼著

五峯文集二十卷

李孝光著

穀城藁

黃宏著 浙人

栗齋文集

林溫著

草堂集

林逢龍著

白雲翁集

管師復著

金臺集

海雲長嘯集

馬易之著

九靈山房文集

戴良著

懷軒集三十卷

耶律希亮著 希亮楚材孫武宗時官翰林學士承旨兼修國史以職史官類次嘉言善行以進

居朝稿

明農稿

汪文璟著 文璟常山人泰定初進士

累官憲訪副使以國難憂憤不食卒

清容居士集 袁楠著

一瓢稿 翁森著森仙居人隱居教授從遊者八百餘人
紫巖稿十餘卷 周順祖著順祖臨海人精性理之學
知非堂集 何中著中字太虛撫之樂安人其學宏深該
博元至順初江西行省聘為龍興郡學師

虞邵庵仁壽錄一百卷 虞集著集臨川人三歲即知讀
書稍長從吳澄遊歷官翰林學士兼國子祭酒平生詩
文殆萬餘篇存稿有道園學古錄應制十二卷在朝二
十四卷歸田三十六卷方外八卷門人彙而錄之

衍桂堂集若干卷 鄭奕夫著清之曾孫號習齋先生

水雲集

武恪著恪宣德府人遊學江南吳澄薦入國學

桂隱集

劉詵著詵廬陵人幼失父年十二能文章爲文

根抵六經躡轡諸子百家融液今古而不露其踴厲迅發之狀自號桂隱

東齋文集三十三卷

鄭覺民著覺民字以道號求齋鄆

人芳叔子有孝行以遺逸徵署婺處二州教授以疾卒

遂初集三十卷

王厚孫著厚孫字叔戴鄆人八歲能詩

十歲能詞賦爲文不事雕飾授象山教諭調浦江甫閱月即歸養自號遂初老人

書林外集

袁士元著士元字彥章鄆人鏞之孫至正間

以薦授文林郎翰林國史院檢閱官引年弗就

蓬廬居士集 鄞縣史公珽著

盤溪稿 井研李孟傳著

鐵厓文集 諸暨楊維禎著

自鳴集 鳴陽稿 徐蘭著

覺非集 金寔著

方氏詩文集十一卷 方有開著

洪氏集 洪慶炎著

靜軒集 胡朝穎著

鳳山集 吳人龍著

玉華集 何逢原著

吳公集 吳均著

教繼翁集

繼翁福建人寓居湖州趙孟頫嘗師事之

新山稿

曹文海著

得靜稿

許嗣著

北源先生文集

海陽李闡著

圭齋文集

歐陽玄著玄瀏陽人八歲即知屬文舉進士

歷國子祭酒文章道德卓然名世

龍溪時集

支渭興著渭興長寧人至順初進士官奉訓

大夫四川行省參政善屬文別號龍溪

起興集

陳自新著自新寧德人博學通五經從遊甚衆

行餘全集

宜陽令鄭以道著以道嘗爲廣右憲史以一

檄諭徙人數千出降後復以一檄諭西江岑黃獠出降

歐陽南翁文集 南翁圭齋族兄圭齋稱其文廉靜醇雅

中齋文集 陳信惠著信惠字孚中晉江人初試有司不

利後以才能應帥府辟仕終惠安尹自號退翁

安雅堂集 陳旅著旅莆田人學有淵源聞見該博爲文

純潔高古深爲虞集所知仕終國子監丞

征行集 段信苴福大理人思平之後從主與智入覲

獻地圖條奏治民立賦法又率僂僂軍二萬導元將兀

良哈台平諸郡降交趾集名征行皆其道里時所作也

漢泉漫稿三卷 詩文三卷 曹伯啓著伯啓礪山人弱

冠從東平李謙遊篤於問學累官集賢學士

東岡小稿 許熙載著熙載湯陰人博古通今事母以孝

聞管開義學以教鄉人

黠醜稿 朱南強著

留皮稿 豐城黃竑著竑疇若曾孫也

梧溪集 王逢著

鳳山集 安溪楊景申著

王思廉文集

紫山集 胡特著

杜秉燾文集四十卷 秉燾安陽人仕元為集賢大學士

成遵文集 遵鄧州穰人虞集一見稱曰適觀生文今見

生貌公輔器也累官尚書左丞

王儀文集 儀鄧州人累官至西臺御史

南陽文集六十卷 李木魯翀著魯翀蒙古人居鄧州官

至集賢學士禮部尚書浙江行省叅政

經濟集 李士瞻著士瞻字彥文荆門人官至榮祿大夫

翰林承旨

鷄肋集 楊升著升字梓夫慈利人居彌勒山讀書登進

士待制翰林院

王彥高文集 昆明王昇著

歸田類藁 張養浩著

蓬窓集 益齋旅齋二集 歷城張範著範起巖之父

華峯類稿漫稿金陵集 張起巖著起巖章丘人延佑中

進士第

倉崖類稿金石例 潘昂霄著昂霄濟南人號蒼崖雄文
博學為時推重

小亭集 楊弘道著

弁山集 知非藁 定海黃圻著

李涇文集四十卷 涇字宗朝滕州人文宗時預修經世
大典除翰林直學士

澹軒文集數卷 康暉著

怡軒文集 蓬萊王華著號怡軒因以名集

忍齋稿 釋奠通禮書汴人申屠致遠著平生聚書萬卷

名曰墨莊

應物集十卷 王鶚著

張伯淳文集

伯淳

王師魯文集六十八卷 括蒼劉誠意曰師魯歷官尚書生於至元間仁宗皇帝首開科舉卽以其年登第其爲文有中和正大之音無纖巧萎靡之習春容而紆餘衍迤而宏肆不極于理不止符乎其爲言也

季山甫文集若干卷 括蒼劉氏曰山甫同郡人屢試不偶所爲詩文銘記諸贊序記體格正文詞典雅

圭峯集六本續集二本 盧畸著畸惠安人至正初進士調寧德尹

青陽集 余闕著闕合肥人天資英邁博學能文至順中進士擢翰林應奉後死節于安慶

傅軒集

胡天游著平江人名乘龍以字行七歲能詩博

學高志遭元季亂抗志不仕意有所激悉于詩文發之

三溪集

龍溪林廣著廣天性嗜學以詩禮訓家庭至正

間郡學辟爲諸生師部使者薦爲安溪教官合邑官僚

以師事之

希遠集

茶陵李祁著祁元末進士爲澧陽儒學提舉國

亡仕自號危行老人又有雲陽集疑卽此

存存子秋聲集十卷

黃鎮成著鎮成邵武人

易齋黃鶴磯碧玉環龍川

勤川家世諸稿

元雷樞著樞

字子樞建安人延佑戊午進士仕終翰林待制

樵水詩文集

黃清老著字子肅邵武人泰定時浙江鄉

試第一擢進士第為湖廣行省儒學提舉號樵水先生
貞白英華集 王原傑著原傑吳江人至正中領鄉薦兵
亂不仕

至正集一百卷 許有壬著有壬湯陰人讀書一目五行
延佑中進士累官中書左丞

東遊集 括蒼劉氏曰豫章鄭士亨著

觀海集 括蒼劉氏曰桐江章正則著正則好學能文

雲濤萃集 括蒼劉氏曰濮陽吳孟思著自號雲濤散人

少好學工翰墨精篆隸

朱葵山文集 宋景濂曰莆田朱文憲著其言醇而理彰

于理不合雖強之言不言也

桂隱遺文一十二篇拾遺六篇 桂夢炎著夢炎字子暘

烏傷人曾孫翰林學士文獻公潛追念先澤墮逸手錄
成編

烏繼善文集 宋景濂曰繼善名期道號草堂先生慈谿
人爲文峻潔如明月珠起伏如春江濤

白湛淵詩二十卷文二十卷經子類訓二十卷集翠裘二
十卷靜語二十卷 宋景濂曰構李湛淵先生白挺著
挺字廷玉自幼至老無日廢問學故能長于詩文不爲
雕刻苛碎不惟極塵外之趣兼有雲山韶濩之音

守齋類稿三十卷 顧潤著潤字德輝鄞人幼以神童貢
不果志在立言著釋圖一說約六十三圖徽二十一希

言二十四事剡六十二治要十八體卦八解八辯十二
議二十四傳七記論序文銘各三雜著十八賦六騷十
九雜詩三百二十一合三十卷分為前後外三集通名
守齋類稿宋景濂稱其近古之立言者

芳州文集若干卷 元秘書著作佐郎蕭雷龍著藏于家
吳濰州文集 宋景濂曰青田吳復德幼抱逸才下筆飄
飄有奇氣長取馬班二家書玩繹此編勁硬奇峭澤媚
山輝蓋善學遶固者

鄭氏連璧集一十四卷 鄭思先曰伯父杲齋諱東字季
明文百篇古今詩四百八十首先君曲全諱采字季亮
文三百篇詩百篇合寫成書鐫梓以行

春谷文集若干卷 婺州路儒學教授季仁壽著

中鵠汲清二集合 泰和劉錫著

舊雨集五十卷 宋景濂曰熊本著虞公為之序謂其雜著本理而敷暢與雅而不阿人以為實錄

唯庭稿 宋景濂曰新塗曾順自號唯庭因以名其詩文順為文不務鈎章棘句一以理勝

巢深燕山宛陵三稿 宋景濂曰宛陵王先生澤民著文不事絺章繪句而義理自足詩清婉有魏晉風

昌雱集 雱都劉君賢著

柘山集十卷 宋道著道中統間翰林修撰遷太子賓客拙庵集 王士元著史稱文學政事皆可師法

康莊文集 王泰亨著

鳳山集 廬陵歐陽弁著

容齋文集 安福劉聞著

雪磯集 孫庚著庚字居仁慈谿人刻苦磨厲夜坐連旦
及門若桂彥良王桓陳恭皆名士也

續文獻通考卷之一百八十一終

續文獻通考卷之二百八十一